

NORTH ARROW MINERALS-KOT TIMEOYOK

Anialik-mi Kukmi Havaak, Nunavumi – Havaam Kanoginiga Naenaklogo Okaohik

North Arrow Minerals-kot Timeook (“North Arrow-kot”) oyagakheokvikhanik kinikheayin kivgakhogin manileogotikhanik oyagaktakveoneaktonik Kanatami. Piyotaoyok North Arrow-kot havaagiyaen notagoktigotini uvani tokhiktutini ima naonaeyakhimageagani manileogotikhan oyagaktaan talvani aviktokhimayomi nonami.

March-mi 2003-mi, Strongbow Resources-kot Timeoyok (hivolikhoktok Strongbow Exploration-konik Timeoyok “Strongbow-kot”) Nunavut Tungavitkolo saenikhihimakmata Oyagaktakvikhamik Nalvakheoknikon Agikatigegotaoyomik (MEA-mik) nalvakheogeagani tamaenik ilaginiklonen 28-goyoni nonani Inoen Nanminigiyaeni (IOL-ni) Oalikheani Kitikmeoni Aviktokhimayomi Nunavumi. Okoan nonan pikakmata nalvakveolaktonik kulmik, havivalokniklo, pinikotikhaniklo. 2007-mi Strongbow-kot saenikhihimayon Tukiheayutikhanon Agikatigegotmik North Arrow-kotlo talvona Strongbow-kot tonihihimayon ihomagiloaktamistik havakvikhatik okeotaktomi okonoga North Arrow-konon. North Arrow-kot taya tamaenik Strongbow-kot pikotigiyaen notikpaleakmagin inmiknon.

Anialik-mi Kukmi Havaak 180 kilamitamik ogahiknikaktok hivogaata kivalikheani Kugluktum. Anialik-mi Kukmi Havaak pikaktok tamaknik Inoen Nanminik Nunagiyaenik (kaaganetonik ilonetniklo nonam ihomakhotikakton) oyagaktakvikhaniklo Koen Nonagiyaeni. North Arrow-kot ihomagiyaan nona nalvakheokvikhatiktomik havivaloknik kulmiklo haneanetman Zenifex-kot High lake-mi havivaloknik pikaktonik oyagaktaakhanik Ulu-milo kulmik oyagaktaakhaktomin.

North Arrow-kot nalvakheoknagigomayon Anialik-mi Kukmi Havaami oyagaktakvikhamik, nonaoyeoklotiklo, ilitokhaelotiklo oyakanik, nonaniklo naonaeyaelotik havivalokakmaga (koleoyunik avagektakhimayonik nonanik okeotoagaagan), naonaeknikalo, ikotakpaklealotik (kolinik potonik okeotoagaagan). Kayalen tikmiyan hanikaptaelo atoktaoneakton hagoyotikhan. Havaagoneakton malgoknin siksion saneonikni ataotimi havaami.

Iglopkalikton Rush Lake-mi tamaan ilonetok Inoen Nanminik Nonagiyaeni. Inokalaktoklo 16-nik. Taemakata havaamistik, tamaeta iglokakvikmi pikotivaloen, katakyoelo, ikotaklo (piyageakaknikan) ahivaktaoneakton iglokakvikmin. Tamaeta ikolalimagiton ikagovaloen (havivaloen taemaeton) katitaktaoneakton ahivaktiktaolotiklo. Ikolalaktun ikagovaloen ikolaaktineakaen haologilonen atiknikmon. Kiklimaktigitakata, iglokagitoton ilineaktok.

North Arrow-kot ikayoktigiyaelo nalvakheokhimaginakton Nunavumi Nunateamilo. Ilitagiyavon atoteaknigin havaagiyavon nalvakpaleatilota oyagaktakvikhanik havaagiyavolo nalvakheoknikon atogeakaktavon ihomagilogin inoyoheoyon avataoyoklo monagiyaoteaklotik piyageakaktilota.